

Цаэсти мижитунни абхъибти гъубзни

Ишбархилизир сецад дин гъалабяхі арбякыл, нушани чебиуллира, бархиличибархилира гъалабяхі башули саби. Амма нушабра ашкарливан, халал замана арбякы ахен, лерил мижитунни гейкхуелличибад. Дузули лерти лерил мижитунни колхозла складуни, клубани ва цархилти дирутири, хукуматлис пайдаладирули калунтири. Аллагъли ☞ сунела дин чизилра къябхевдахъу, гъар заманализибра сунела дин гъебурцути гъубзни алкахъутири. Илдигъуна гъубзни дунъя биублара лебтири, дунъя лебаллира кавлутисаби.

Урмала шилизисби мижитлизибад колхозла склад барисире, гуршила гъубзни цалабикили мижитла бухна кабиб. Мижитлаб 100-личи гъамли адамти лебри, дурабад илди милишунани алаббуциллири, амма илдани, сецад чумати вягдуртазибадра уруххебиубли, мижит батахъур.

Илкъяйдали дахъал мижитунни хукуматлизирад керасибтири, амма мижитунни дехъубти шимира лертири, илдира халкыли дирес бехибхыб.

Лавашала районлизибра цаэсти сагадарибти мижитунназибад сабри Къакъамахъила шилизисби мижит. Ил сагабарнилисра ца гъабза сабаб виуб. Илра сайри Лавашала Районла Къакъамахъила шилизивадси, лебил Дагъистайзи машгъурвиубси хала-гъалим Нурадин хъяжи. Мижит сагабарнила хабарра нушази сунени бурули саби:

«Нуни валуси адамла ца пулан юдаш леври, илра хукуматла



хъянчизар сайри. Нуни дила валусилизи итиси хъарбахъес тиладибарира, нуша далдизахелли мижит барес дирехера или. Ит адамти нушази иб хуша, халкъ цадидалли се дигара барес дирудая или. Илхели нуни чумали къас барира, нуни пикрибарисби таманбарес. Халкълира ну гъевурцилизиб дила вавасала аги. Чизивадалра урехира набзиб аги. Нушара чумилра адам ца мерлар цаладикили лерри, илданира наб барес дигуси аргъили, набзи гъайбиклес бехибхыб законти лертигу или, вегис гъандикибта виркъахъес валтуси

ахенгу или, иличибра камси секлайс агарварили пяхливетихъахъусигу или. Нунира илдази бурра, нушала кабикибси ихтилат законтала бегитани балусира саб, ну иш дуги ишавад дураухъи хъули вегатайчи каласли илди закони агнира багъирая или. Пергъила бархили биалли, набчи бирхкауртигъуна, ну гъевурцутигъуна дурабухъи, мижитлизир дюзес дехдихъибтири. Ихъяйдали барибтири шилизисби цаэси мижит».

Гъанна нушара пикридулхъехле, нушала халабегитани чула гъямула багъаличир тлашдатурти ми-

житунни сари ишбархилизир лерти, чула гъяму секлайзи халхедарили мижитунни дарес, чардарес дурабухъунти гъубзнани абаахъисби саб нушачи бикайчи дин. Нушанира секъяйдали их халаси анцбукъла кыматкъадри бирулирал багъес вирар, савлила дехлбайчир мижитуннахир чум къяй дирцулил, ва гурти дехлбайчи чум адам цалабиркулил хлердизахелли. Нушала халабегитани халаси къяйчил калахъунси дин саби ишбархили нушани гъаргли бузахъуси, даширая узби нушала челябкьутачира ил абиахъехле!!!

Номерлизир:



Къуръан – лерил излумас дарман



Нушани ху чехлеваире, амма ху нушаб дигахъуре



Сунечивад жаваб бедес хейрусини нушачивад бедлугара?

Лавашала районла Дитуншимахъила шилизиб гъалимтала мажлис

Ноябрь базла 28 бархили, Лавашала районла Дитуншимахъила шилизиб гъалимтала мажлис бариб. Мажлисличи шила бухнабадра, деклардекарти, мякъларти шимазибадра, адамти цалабикиб. Баклибтази вягъза-насихят дарес Мяхлячкъалала шагъарлизибадра, шимазибадра гъалимти цалабикиб. Баклибти гъалимтазав леври Лавашала районла имамла заместитель Мухъаммад хъяжи Давудов, Микхилила шила имам Мухъаммад хъяжи, Дитуншимахъила имам Мухъаммад хъяжи ва цархилти. Гъарилли жагати, халкълис пайдаладиэсти вягъза-насихят дуриб. Мажлис бехибхыб Мухъаммад хъяжи Давудовли. Илени дурибтазирадирра:

«Идбагли ☞ сунела хъядисуназиб бурули сай, ала-

чарлибти бусурмантас зарал лебси адам бусурман ахен. Бусурманти чула ургаб цалис-ца кумек биклули, цали-ца гъебурцули, чула хъял-тлабигъитличиблира цархилти динличи хулубухъахъеслин биэс гъягнитти саб. Хъерая вагъабистунала тяхъярличи. Бахъал жагъил адамти, арбукили чула хъалибаргунира, хъунри, дурхнира, дицили чула масанира, машинтира, хъулрира Сириялизи, Иракълизи аркъули саби. Иди арбякунтала гъелабтани бурни хъясибли, илдас гъар бархилис 1000 доллар бедлугес вягдабарисби саби. Ишавси адама, ца чумал баз хъянчи барили, дахъал арцра дарили хъули чарулхъасра или аркъули сай, Дагъистанра капуртала пачаликълизи халбарили. Ит адам итав каршуси сай, кахлевшес гъямал лебси ахен,

сенахенну иди дявти сари, дявтазав вебкхелбкхили, дахъал бузри ургъалли, идани чулира каршуси сай ит, сенахенну итис дедес айкибти дахъал арц дедлугути ахен, сен дедес гъягнитив ца хъярхя игъубли хледедесра вирули виалли. Сенилра ит адам гъатли хъули чарулхъуси ахен. Итабра сегъуналра я дин, я шаригъит лебси ахен. Дергълизи дураухъунхели мурул итав каршули сай, итала хъунул кел жумягра хъературли шери редлугути сари. Шаригъитлизиб их секл асубирисив? Пидда гъягнитисигу ахъес. Пурра буруллири, канилав виштласира сарра хъунул адам, мурул вебкхилхели, итра шери редиб идани. Халкъра ихъуна мерла арбашнила беглара халаси сабаб саби, илдани чула дин хлебални.

Лавашала районла Дитуншимахъила шилизиб гІялимтала мажлис

1 « Капуртала хІекълизир хъурадарибти аятуни-ра бусурмантаци ардухили, лебил адамтира капуртази халкабарили, чула пикриличичи кахІейзурси адам хІяйва мерла каршули сай. Ца шилизибад 50-60 жагъил адам ИГИЛ-лизи арбякири. Илдазибадди цагъунала неш чериахъуллири, ит адамлис сунела нешлис даягъат барес гІягІнилири, ит сунела хъулибгира батурли, сунела нешхъалигъуна кабушес ита арякъи сайри.

Ла илагъа иллаллагъ или вавкайКуси ухъна адам хІяйванкъяйда лугъули сай. Ла илагъа иллаллагъ или гІергъи ит адамла гІямрура, хІера, масра хІярамдирулигу или хІядисуназиб бурулигу. Нушабра шимазиб ихтаци къаршили хІянчи бирес гІягІниси саб, камсилра вавасала лебси адам тІалабварили, ахтардиварили, мяхІкамдеш барес. Нушала шилизир агара или чеб-кад хІерисли чІумали кайзес асубируси ахІен, илди дебали дигІянили буути адамти саб, чула бузар или гІанбикибхІеллири илди даКІбулхъути саб...»

Пур гъай бедиб МикІхІила шила имам МухІяммад хІяжизи. Илинра жагати гъай дуриб: «Нушала Идбаг ﷺ виКІар гІилму хІябал бутІаличи буртІуси саб или. Цаэси бутІа, гІилму бехІибхъуд бяркъурси халаурхар, итала урКІилаб халадеш алКІан. Нунира ишцад секІал багъуллира, ишцад гІялим сайра ну или гІанбиркур илис. КІиэси гІилму бутІа багъурси, Аллагъла ﷻ гъалав увяхІвиубли, бекІ гІяшбуцили, сунела убяхІдеш марбарили вирар. ГІилмула хІябъэси бутІа багъурхІелли биалли ит адамли иргъу сунени балуси силра агни, сунени силра хІебални. Гъалабла заманализиб, гъарил дигъуси мерлаб гІилму белчІахъесигъуна адамти агархІели, мадрасу-

ни агархІели, адамтани чула дурхІни гІилму бяркъяхъес гІеркъати мераначи бурхъутири. Ца дурхІяра илкъяйда-ли вархъиб, сайра вачарла караванличил вархъикили ита арякъун. ГІилмуни учІуси мерла аваибхІели илис гІанбикиб себариса халаси заманара берКІили гІилмуни учІули, исисра жузи, наб хІяжатбикибси суал къаршибикалли, жузази хІеризурли баласра. Ил пикриличил асили жузира, чумал бархІи шагъарлизивра къунзухъи хъули чарухъун. Гъуйчиб ил-даци разбойникуни чебухъи, лебил вачарла мас кебасиб, ил дурхІяла жузира илдани ардухиб. Хъулира жузи агарли чарухъес хІяжатбикиб. Хъули чарухъунхІели биалли илини балуси силра агара, хІерес жузира агара. Гъанна ил пикриухъи, гІурра арякъун учІес. Халал замана учІули калли, хъули чарухъунхІели илдала гъуни гІурра буциб ва гІурра лебил мас арбухиб. ИлхІелира илдани жузи далтули ахІенри. Амма гІанхІели дурхІя виКІар: ардухая жузи, хІушани илди ардухес диру-дая амма дила урКІилабси багъуди хІушани архІехидая. Гъалабла заманализив вили халаси гІялим, шайх, Аллагъла ﷻ вали ГІябдуллагъ ШагІрани. Ил гъар бархІи «Азгъарла» мадрасала хІянчила вашули калунсири. Илдигъуна мераначиб бахъал бирар мискинти, чули аркъу-лябкку-тала даври умударили ва илгъуна барили чус кам-камси арц биранти. Илдигъунтази-вадли цара леври «Азгъарла» унзала гъала кайгъли, иличир цадехІ дуркъа, декІни кадатурли дирбути палтарра лерри. ГІябдуллагъ ШагІранис иличир хІеризурли гІанбикиб, ишгъуна джагъил (гІилму агарси) адамра Аллагъли вали вирура или. Гъар аркъули ил ухъна

чеваибхІели илала урКІилаб ихгъуна пикри алКІули сабри. Ца дугилизир ШагІрани хъули чарухъунхІели илала хъунул Зайнаблис хІяз барес дигъули ахъиллири. ИтхІели хъулибад дурахІебулхъути хъунул адамтира, дурабухъал-лира чула мяхІрамтачил барх, хІиджабра, никабра (хІулби калайчи дяхІ кІапІдирути палтар) чегъурли дурабулхъутири. Илисра хъулиб муртал-ра анцІбуки сунела муруй-чил хІяз барес дигъули ахъиб. ШагІранини ил сунела къакъ-личи мурдали аратурли, хъу-лирад алавриКІахъули калун. ГІергъила бархІи гІядатливан ШагІрани «Азгъарлизи» аркъухІели гІурра ит ухъна кайгъили чеваиб. ИлхІелира илизиб пикри акІуб ишгъуна адам Аллагъли ﷻ ахтардивиру-сира, иш вали варили урцуси-ра ибси. Ил заманализив ухъна ШагІранилизи виКІар: Аллагъ ﷻ набчи хІеризурсира сай, Аллагъла ﷻ валира сайра, хІу би-алли Зайнабла гІемхІе сайри. ИлхІели ШагІрани урКІухъун Аллагъли ﷻ ахІенси хІебалуси секІал, мурул-хъуна ургар дета-урти ишини секъяйда дагъур-тив или, итавра кайкили къу-къумачи ит ухънала дяхІличи, някъбачи байвикІес вехІихъиб Аллагъла ﷻ гъалабси итала даража аргъибхІели. Ит ухъ-нализир ил тиладивикІес вехІихъиб хІед се дигара лугас-рану, хІела багъудиличи нура бурсиварабагу или. Ухъна или-зи виКІар хІела сабур биуси ахІенну хІела хІянчи даимба-ра или. ШагІрани иличивад чевхІеркули ил кабулвикиб, ва илизи хъарбариб ца дула бухІнаб шинра, аргъалализи-бад барибси къацІра ахІенси силра беркайзи гъудурмаби-рид или. Адамла нафс чехузан биранти деркести урасахъили, чІянКІли шинра, аргъайзибад барибси къацІра чедаахъиб. Ца дус ШагІрани илкъяйда-



ли калун, Аллагълира ﷻ су-нес гъалар гъаргІедарибти секІал гъаргдариб. ИлхІели разивуубли, чина вирку-сил хІебалули, ит ухъначи вакІили, сунела разидеш дураберКІиб. Ухънара илизи виКІар: вахъ дебали разимай-руд, хІуни лебил дарс бехъу-бри. ХІу батІин гІилмуличи, дигІянси гІилмуличивли разивуубри, амма ит гІилму хІед гъаргбарис-личив хІу разихІейубри. ШагІранилизибад батІинси гІилмура кебасиб, сайра хІела хІянчи даимбара, хІуни ил секІал чесе вирус ахІенри или вархъиб. Пурра ил къянахІейрули, висули ва-шули, тиладивикІули гъачам гъатІи ахтардиварахъес къа-булвикахъиб. Ухънани илзи ца диргъам бедили, иш ша-гъарлизив вегІлара увяхІсилис бедахъес хъарбариб. ШагІранира разивууб, увяхІси варгес къиянхІебулхъан или. КъяйцІикІули лебил бархІи берКІиб, лерил къа-къурби умцІур, вегІлара гІергъира ца ухъна варгиб. Илра, халаси мусура бекІала

вайлав леври, илизибад жяргаси тІемлира гІелавяхІ ир-гъулири. ШагІранини иличив увяхІсира гъатІи хІергар или, илала дяхІла хІеррахІейзурли, шурбатурли къакъра итала шайчибяхІ игъубли иш хІед са-бину каси или иб. Ит ухънара уилири «Азгъарла» гъала кай-гъили левси ухъна. Итинира касили ит диргъам виКІар: ну-ниригу иш хІед гисси, хІунира набчив увяхІси хІергирив? ИлхІелира илини тавбу дари-ли, висули, ца гъачам гъатІи вализахъес ватахъес, къабул-викахъиб. Итала гІергъира ШагІрани чумилра дус шинли-чив ва къацІличив хІерирули калун, сунени сай дунгъаличв вегІлара увяхІли чеваэс чебли-биънира аргъиб, Аллагълира ﷻ сунес халаси гІилму бедиб, сунела ура лебил бусурманта-ла умматлизиб тІинтІбиуб. Аллагъли ﷻ ихкъяйдали гІилмуличивли адамти дурхъа-бирути саб...»

Мажлисличир гІурра жагати гъай дариб, вягІзуртала ур-габ мавлидла буйтри дучІули калун. Мажлисла балга-дугІяличивли таманбариб.

Динла хІянчизарти Дитуншимахъила ушкулала бучІантаци бякъун

Мажлисличивад чарбиубхІели, районла имамла кумекчира, шила квадира, джамагІятла адамтира ушкулализира бухІнабухъун. Ушкулализиб бучІути бишгІати цаалабхъили, илдасра вягІза-насихІят дариб. Илдацил ихтилат барибси МухІяммад хІяжи Давудо сайри:

«ИшбархІилизир нушани дирути лерил хІянчурби, челябкъуси заманализир хІушачи ляркъути сар. Нушала имцІалинти гІямру ардякъунти сари, нуша гъана бархІиличи-бархІи хІярбази гъамдикІутира, хІуша нушала мерличичи ляркъутира. Нушала бегІлара халаси мурадла саби хІуша адамдеш черти



адамти детаъни, хІуша адаб черти, гІяхІти адамти детаъни. Масала нушани балуси компьютер, илар дахъал хІузри, декІа-декІарти секІал лер, амма ил ту-кизибад дурасалли, иличи лябкъуси тук тІашаалли илис се бетарару? Компьютер леб амма сунезибад пайда лебу гъатІи? Ил лебнилизивад се пайда леба, бацІси тІакъа бетарар хъулиб мер буцибси. Илгъуна сай адамра, сунезиб адамдеш, адаб, гІяхІси тІабигІят агарси, илра вархъси адам ахІен. Итизибад пайда лебси ахІен. Идбагра ﷺ виКІуси сай, хІушазивадли вегІлара гІяхІси, халкълис вегІлара пайдала чевси сай».

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Мухаммад ДАВУДОВ

Главный редактор

Азиз МИЧИГИШЕВ

Редактор

Асхаб ДЖАРБАЕВ

Канонический редактор

Мухаммад ДАВУДОВ

Корректор

Асхаб ДЖАРБАЕВ

Дизайн, вёрстка

Мухаммад МУСАЕВ
Иса ОМАРОВ

Менеджер

Абдусабир АХМЕДОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-42079 от 24 сентября 2010 г.

При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ _____

Сдано в печать 30 ноября 2015 г. в 20:00

Тираж 3 300 экз.

Адрес редакции

367015, РД, г. Махачкала, ул. Аскерханова 13а.

Телефоны:

Редакция: (8722) 51-85-22. Подписка и доставка по г. Махачкале: 914-222. по Республике Дагестан: 8-988-699-28-24.

e-mail: assalamweb@gmail.com; www.assalam.ru

Къуръан — лерил излумас дарман

Нушала Гямрулизир гъаман деклар-декларти излуми къаршидиркули сари. Илдира Аллагъли ﷺ Сунела лугъри ахтардибарес дурхъути сари. Духуси адамра Аллагъли ﷺ гибси изалаличи разивикалли ахенси децлизи херкур. Сенахенну Аллагъли ﷺ излумачибли ахтардибирути лугъри сунес диганти саби, илдира иш дунъяличиб ахтардибарилли, Ахиратлизиб даражунала имцабиранти саби. Хиядисуназибра леб ца сятгят буцардеш баклибси адамла шукру барес виалли ца дуслу бунагъуни умудирути сари или.

Се биалра гъарил изайс дармунтира лерти сари, Идбагра ﷺ виклар: «Аллагъли ﷺ изала хъурахлебариб сунес дарман агарси ца секлал ахенси, итра бекла саби». Марлира беклала сятгят сабабибси, лерил дунъяла дармунти даралира, чина дигъанвикаллира беклализивад пердес хейрар. Хебиалли сецад дахъл излуми диаллира, итцад дармунтира лерти сари.

Излуми рухлара (уркила), къаркъара лерти сари. Нушала заманализир рухла излумас тухтуртала дарман агара, къаркъа излумас биалли сецад дигара лер, илдазир пайда лертира лер, пайда агартира камли ахен. Тухтуртира леб бахъл, чула хянчи балантира леб, чянкли дипломти асили бузантира леб.

Дипломти асили бузантачила

гъайрахледикхеле, кайсехеле чула багъудилизиб мурхь-бикибти тухтурти. Тухтуртала лебил хянчи, лебил медицина хисабличиб, ахтардибарниличиб (иследование) ташбатурси саби. Мицйирагличир, беклибгачир дирули опытуни, чиди изайс чиди дарман сабаб бирарал хисаббирули, аклахъуб тухтурдеш. Гъанна пикридухъахелли илгъуна хисаб сецадла бархъли, сецадла сабабли бизес бирару? 100%, 90%, 80% - чум процентла гарантия лебу барибси лечение, держунти дармунти сабабдирнила? Цалра тухтурли чумали вягда хебиру дарибти дарман 100% сабабдирни.

Гъанна кайсехеле нушала Идбагла ﷺ тухтурдеш, Идбагли ﷺ датурти дармунти. Хиядисунани иргъахъули саби, Идбагла ﷺ суннатра Аллагъличибад сабни, хебиалли Идбагла ﷺ лебил медицина Аллагъли ﷺ вахъюличибли хъурабарибси саб. Аллагъра ﷺ сай лерил излумира аклахъубси илдас дарманра аклахъубси, илди дарман сабабра дирахъуси. Сецад дармунти держаллира, сецад тухтурти барсбараллира Аллагъли ﷺ сабабхелебахъубси дарман сабабхелибар.

Гъанна нушани багъурра беглара гъахъси медецина нушала Идбагла ﷺ сабни. Идбагла ﷺ суннат руркъуси адамли рухлара (уркилара), къаркъара излумас дармунти дургу. Идбагра ﷺ виклар бекла



ахенси дарман агарси изала лебси ахен или.

Пурра Идбаг ﷺ виклар: «Аллагъли гъар изайс дарман хъурадарибти сари, хушанира дарман диренная, амма хйрамсилечирли дарман мадиридая».

Пурра леб: «Аллагъли ﷺ хушаб хйрамбарибсилезиб хушаб дарман хедариб». Марлира бахъл бирар чула изала цакъбиубхели сегъуна дигара дарман держес хядурти, ил асухебируси секлал саби, илра сабаббируси ахен.

Аллагъли ﷺ хъурадарибти лерил дармунтазибад беглара цакъси, Къуръан саби. Аллагъра ﷺ Къуръайзив виклули сай (мягна): «Нушанира Къуръан хъурабарира, сунезибра бусурмантас уркелци ва дару лерси».

Идбагра ﷺ виклули сай: «Къуръайчибли дарман, дару тлалабхедарибси, Аллагъли ﷺ селилра арахеюру».

Шайх Абу аль-Къасим Къушайрила дурхъла дебали изес вяхлиб, илра беклаличи гъамвиублири. Тухтурталара гъар секлайзибад хъл бердиллири. Иллини муэрлизив Идбаг ﷺ чеваиб. Суненира Идбаглизи ﷺ децл дураберкиб. Идбагра ﷺ виклар: «Хуни сен Къуръайзирти дарула аятуначи херхейрида?».

Къушайри муэрлизивад чеваргъибхели ит заманализивал Къуръа аятунахлив квейцвикес вехихиб. Иллини илдигъуна урегал аят даргиб:

وَيَشْفِ صُدُورَ قَوْمٍ مُّؤْمِنِينَ
وَشِفَاءٌ لِّمَا فِي الصُّدُورِ
يَخْرُجُ مِنْ بَطْنِهَا شَرَابٌ مُّخْتَلِفٌ أَلْوَانُهُ فِيهِ شِفَاءٌ

لِلنَّاسِ
وَيَنْزِلُ مِنَ الْقُرْآنِ مَا هُوَ شِفَاءٌ وَرَحْمَةٌ لِّلْمُؤْمِنِينَ
وَإِذَا مَرَّضْتُ فَهِيَ يَشْفِينِ
قُلْ هُوَ الَّذِي هَدَىٰ وَشِفَاءٌ

Ихти урегалра аят тляхъянализи делкли, шизир дацлахъиб (илди делкес вилар зягфйранличил умуси къямлизир ва чеди шин клертгили, гъудурдарили, гур держес. Вилар цархил тяхъяри делкли, шизир дегъахъес) ва сунела дурхъялизи держажъун. Илди держунси заманализибадал ит дурхъя, ургъурлизибад батбухъунси валриван тляхъхъи айзур. Пурра беглара халаси дарман – балга саби. Балга лерил балагъунала душман саби, илини балагъуни черарку, балагъуни даклили диалли илди ахъдурцу ва кункдиру.

Балгаличил дарх уркила хузуурра, бирклантала паргъатдешра, Аллагъла ﷺ гъалав увяхливиънира, балга къабулбируси заманара (масала, дугила хъябьибил бутла), къиблаличи шурухънира, дазала чевли виънира, някъби ахъдуцили виънира, Аллагъ ﷺ дурхъаварниличивли вехихънира, Аллагълис ﷺ шукру барниличивли вехихънира, Идбагличи ﷺ салат-саламличив вехихънира, суаллизив къайгъилизи викнира цугдикали, итгъуна балга Аллагъли ﷺ чарбируси ахен, итинира сегъуналра изала хебалта арахебарибси.

Хъарахъуд бирар

Идбагла ﷺ агълула къапла

Бусурман адамли бекличиб къапла бихни, дехбайзив виаб, дехбайзив ахенихлив виаб чараагарси суннат саби. Идбаглира ﷺ бекличиб гъамат (чалма) бихули вири. Чалма агархели кункси къапла челги, амма къапла агарли уули хейри.

Шаригъятла жузазиб бурни хъисибли бекличиб сегъуналра къапла агарли, бекл гъаргли дехлала дирни къадагъабирули саби. Къапла хлебаргаллира бекл сели биалра клапбирахъес чебиахъули саби. Нушала халабегитанира къапла хлебаргаллири, тиряпкала кусуклизибад, авалра музаличир гундри дарили челгъули бири.

Дехлба кери имцабирути секлал летри сари, масала умуту, уржибти, кадаибти дулгъубала дегти, кабаибси удила дегти, лерил хъапни илкунти палтар диънили дехлба кери 60-на имцабиру ибси леб. Илдигъунтазибад саби сивак, ва гурра цархилти. Илдази къаплара кабурухар, къапалар дарибти дехлала къапла агарли дарибгачир 60-на имцали дирар ужраллизир, кункси къапалар дарибгачир чалмалар дарибти 60-на дурхъали дирар ибси леб.

Идбагла ﷺ хядислизибра бурули саби: «Хушани гъамру дуркунцад хушала дулгъубира духъандиренная, чалмабира халадиренная». Ихала мягна саб, гъамру дерклибси адам

къантла дулгъубар хлевалав, ва бекличиб къапла агарли хлевашни. Аллагъисра ﷺ беглара диганти саби жагъл адамти бухънабалагъуна гъамал биранти.

Чалмара секъййдали бирусив? Чалма бетарар – чянклила кусукли лебил къапла ца къатлилра алавбарили биалли, буклула чили алавбараллира чалма бетарар (Фатхул Гъяллам, Махлалли, Игъянаду Палибин). Гъаман дахъл гъай дакъес вилар мюридунани челгъуси цуба тугъла бегл шиниша къапала хлекълизир. Ирутира бирар мюридунани ит къапла халкъла ургаб декларабухъес челгъуси саб или. Ил халаси хатла саби.

Нушанира балуливан Исламлизир деглара гъахти рангани шинишара, цубара сари. Шиниша ранг Аллагъли декларабариб лерил галгубас, лерил унхърас, авлакъунас. Алжунтала лерил унхърира шиниша сари, шиниша ранг Алжанала ранг саби.

Цуба ранг биалли нушала Идбаглис ﷺ беглара дигуси ранг сабри, Идбагли ﷺ имцалин челгъути палтар цуба сарри, цуба ранг суннасти ранг саби. Хебиалли шинишара, цубара, клелра деглара дурхъати рангани детарули сари. Ца къапалис пайдала бирули саби, ца чалмалис. Имцалин шиниша рангла къапла барили, цуба чалма бирули бирар, гургеблира биру.

Ихичибли бетарули саби, ца къапла

чегъурли, къапъа чегънила суннат, чалма чегънила суннат, шиниша ранг пайдалабрилла суннат, Идбаглис ﷺ беглара дигуси ранг пайдалабрилла суннат дарили ветарули сай.

Амма анцлбукъ ихкъййдали биаллира, гъакълукар адамлис гъатли халал баян гъатлини хебиаллира, сенилра имцабирехеле, мюридунани ихти дурхъати суннатуни чули лайкъдарибти ахен, илгъуна чалмалисра аслу лебси саб. Идбагла ﷺ агъулис я садакъа я закат бедлугуси ахен. Гъазаватлизибад бикибси масла бутла аркъуси саб илдачи. Илис хумус биклар, лебил масла 5 бутлала ца бутла саби. Ил бутлализира кабурухути хъалибаргунли лебти саби, нушанира ишаб илди бурули бухъанхлебилтлахъехеле.

Нушала Идбаг ﷺ иш дунъяличивад арякъунхели, Идбагла ﷺ агълуни дин тинтлбирули калунтири, дин тинтлбирулира илди деклар-декларти улкнази, шагъургази баши. Гъиджрала гъерги авдаршлимти дусмачи гъамли дикибхели, ит заманализив левси пачани Идбагла ﷺ лебил агълулизи



декларабикахъес хъарбарибсири, халкъла ургаб илди гъудурбиубли агархелебахъес, илдала хурмат-хатир, илдачи адаб, илдала хлекъ хебатахъес багъандан. Пачанира илдази хъарбарибсири шиниша къапнира, цуба чалмабира дилгъахъес. Илкъййдали Египетлизибра, Сириялизибра, Палестинализибра Идбагла ﷺ агълу илдигъуна чалмабачибли декларабухъун (Анваруль Мухаммадия). Илкъййдали их журала къапла мюридуначи баклиб, илдачибадлара нушачи абаиб.

Цуба тугъла бегл шиниша къапла Идбагла ﷺ агълула къапла саби, иличила вайтла гъайгъес дигуси адамра даршна пикриухъаб гъаланачи сай чичила гъйвиклулил!!!

Нушани хіу чехіеваири, амма хіу нушаб дигахъури

Мавлид - ил Мухаммад идбаг ﷺ акниличи разидешла байрам барни саби. Мавлидичи лехихъути Идбагла ﷺ тамашала Гямрула мурхъдешлизи хербизес бирар. Идбагла ﷺ баликьянабала Гямруличила ва баркъудлумачила багъес имкан лебниличи хулдиклули ахенрав? Илди ва илдачи мешути цархилти суалти сунела хяланала яра урхла хяланала ясирли ветхеурси яра хамдешли кепхерибси бусурман адамлизидедали, илис гъанбикес асубирар ну мехлуриубли ахенрав или. Ил бетаруси саби, сенкун гъарли-марли бусурман адамтазир илдигунти суалти алкули хедирар ва илдигунти суалтас жаваб бедлугес хяжатдеш алкули хебирар. Илдигунти сауалти ахъдуцахъес нушачи чебуркъахъуб цацабехІ адамтани мавлид шаригятла хулчначи ва къяйдуртачи балбикибси ахен или бурули аргъибхели. Цацахели илди хатгаллизиде бикибти адамтани чули буруси марбарес къасличил Къуръайзиради аятуни ва Идбагла ﷺ хиядисуни гъандуршули бирар, чянкли илди гягниси тяхирли баянхедарили яра гъарацли баяндирули. Чинаб сабил бархъдеш ва чинаб сабил хатла бархъли хясибарес лебилра бажардихебиркни хисаблизиде касили, динна узбани тиладибарни хясибли нуни къасбарира мавлидла хеклизибси суал шаригятла умцантаци кабихъес. Къудратла ВеГІ Аллагъла ﷻ ва илис дигуси Мухаммад идбагла ﷺ гъалар хъардиркути жавабардешла лебилра битлакІра хисаблизиде касили, гур динна узбала гъалар ва дила гъалар набчи хъардиркути жавабардешра иргъули, ну васвасиклули ахенра ил суалла чебад чула пикри бурес лайикъти бахъал гялимти лебниличи ва илдани ил бурниличи вирхулра. Марлирагу, ил гъазаватли нушала узбала ва рузбала гъалаб Исламла чебхидеш гъаргибуру, ва Къиямала бархли умцантацибу нушала баркъуди бегІлара умучебси дехли бетарар. Аллагъла Расул ﷺ чевяхвирути дархъти секІал дурхелели ну чевяхси судла бархІара лерилра хлушачил варх Идбагла ﷺ байрахълиув виес хуликлулра. Сагадеш сабира мавлид? Цанбил яргалис баянбирехле мавлид Идбагла ﷺ замана агарси сагадеш саби или васвасиклутала пикри. Хиядисунала шайчивси машгурси гялим имам аль-Хияфиз Сахавини бурни хясибли, Ислам тинтибирес бехлихъибхейчирад 300 дус дикибхели, бусурманти мавлид саби или мажлисличи цалабиркес бехлихъибтири. Дуб-дубли мавлидуни дуньяла лерилра мераназир булан дирес бехликабихъиб. Къуръаннизиде ва хиядисуназиб мавлидуни дурадуркниличи къаршиси селра агни ашкарбиубхели, машгурти гялимтанара имамтанара мавлидуни дурадуркни гяхІси баркъуди сабливан кыматлабариб. Лебилра улкализир мавлидуни дирес бегІ гъалав вехлихъибсири халиф Малик Музаффари Гъижрала урегибил даршдусла ахирлизив. Илала баркъуди гапбарибсири Ибну Касирли. Асубирар, саби «Мавлид» ибси дев динна шайчивси белгиси гядатла у сабли биесра. Амма мавлидла мягІна сай Идбаг ﷺ мицирли левалхелира лебсири. Сенкун мавлид Къудратла



ВеГІ Аллагъли ﷻ Мухаммад идбаг ﷺ расул варили вархниличил бархбасунси саби. Ил анцбукъичи разидеш балахъуси байрам саби ил. Ил сай левхели сабригу ил вархниличи бегІлара разибиубти. Масала, чини эс вирара бусурманти белгиси мерличиб цалабикибхели, Расулаллагъ ﷺ чевяхвирули гъайхелики или? Илхели саригу балга-дугІа дирути, Къуръайзирад сураби дучлуги, аятуни баяндирути. Илдигунти дирути ахенри виклес вирар Исламлизиде селра хебалуси адамцун. Эгер илди Мухаммад идбагла ﷺ замана мавлид ибси дев бузахъуси ахенри или кабизурли биалли, динна литературализир пайдаладирути гяхІцад терминтазирад гелумдизес чебиркур, сенкун итхели илдира лерти ахенри. Илдигунтазирад сари «фикъги», «тафсир», «мусталахул хиядис», «усул», «маган», «мантикъ», «нахви», «сарф» ва цархилти. Нуни ишар гъандушибти уми сай Мухаммад идбагис ﷺ гергъи дагъардиубти сари, амма илдани иргъахъути гилмурти Мухаммад идбаг ﷺ мицирли левхелира лертири. Лерилра сагадешуни къадагъадарес вируси ахен, сенкун гялимтази гилмула жузи хелуклахъни бархъси хебирар, Исламла белчудила заведениеби хебхъес гямал хебирар, мжитуни лухес хяжатдеш леб, бахълизи мягІни-хІял далахъути гягІнахълуми динна мурадуназирра пайдаладирес хяжатбиркули саби гъанна. Гъай-гъай, илди ва цацадехІ цархилти секІал сай Идбаг ﷺ мицирли левси замана лерти ахенри ва диес хедери. Ишбархли микрофнти пайдаладирулра гъайдиклухели. Гъалар илди агартири или гелумдизес асхебирар къали илдазирад. Маккализирти ва Мадиализирти мжитуни мрамар къаркъала генабачил жагадариб. Типографиябазир Къуръанна жузи дурайули сари. Къуръан бучни гъамадбиахъес ва бучлуги гъарацхелиркахъес хяракаби лукескаби иб. Исламла конференцияби ва цархилти гъунибаъниби дурадурклули сари. Иракъла шайчибад хяж барес башутас

«микъат» белгибарибсири ва кабизахъурсири халиф Гумарли—Идбагла ﷺ бегІлара хлурматла икъалачибазивад цали. Лерилра чедир гъандушибти секІайчил бусурманти гъанна пайдалабирути Исламлис гяхІдеш багъандан саби, амма илди секІал Идбагла ﷺ замана лерти ахенри къали. Мавлид сагадеш саби, ил къадагъабарибси саби биклутани лерилра чедир гъандушибти секІалра урдирхъули диес гягІнитирти, илгъуна анцбукълизир. Нушала Идбагли ﷺ къадагъадирути лерилра секІал далуги гялимтани ва имамтани бурули саби: Идбагла замана агарси яра къадагъабируси, Къуръанниччи ва хиядисуначи балхебиркуси, лерилра мазгъабунас хулчи кабихъибти дурхъати гялимтани маслигятдирути секІайчи далхедиркули яра къаршили дурадулхъули диалли, илди хярамти сари ва къадагъадарибти сагадешуни сари. Амма Идбагис ﷺ гергъи аклубти ва Къуръанниччира, хиядисуначира далдикибтиб хлурматла имамтани ункъли чедаибти лерилра секІал гапличи лайикъти сари ва гяхІти сагадешуни сари. Илкъяйда виклули сай нушала чевяхси имам ШафигІи ﷺ. Лебилра дунъялис машгурти гялимти – имам Навави, имам Гъазали, Ибну Хаджар, Пизу бну Пядусалам, Суютги, Тажуддин Субуки, илдачил къабулли сай Ибну Таймия. Мавлидличила бурухелира Къуръайзирад ил гелбурцуги аятуни кес вирар, мавлид къадагъабарибси сагадеш саби биклуги хатлабиркули биънилис бикъридеш дирути хиядисунира гъандушес вирар. Мавлид асхебируси сагадеш саби биклуги гъай селилра мардирули ахен, ил хатгала пикри саби. Илдани чули буруси марбируси селра гъанбушесалра бирули ахен. Идбагли ﷺ сай аклубси бархли чебхІамабирида ибси ахенри. Ил бирахъес я къадагъабарибси ахенри. Къадагъабарибсилези халбируси саби сай Идбагли ﷺ барес асхебирусилези халбарибсицун, илини сунечила селра хебурибси ахенну. Къуръайзиб бурили саби (мягІна): «Хлушази нагъюбарибсилезирад гъарахъли дуэная» («Аль-Хашр» сура, 7-ибил аят).

Исламла машгурти гялимтани бурули саби: «Мавлид—Исламлизиде багъарбиубси гяхІси гядат саби». Дурхъаси хиядизлизибра бурили саби: «Исламлизиде гяхІси баркъудилис хулчи кабихъибсилези гяхІдешуни дирути сари ва илала гилбрат даимбарибтас Къиямала бархли сабаайчи гяхІдешуни дирути сари». (Муслим). Идбаг ﷺ сунела асхІябтази виклули сай: «Хлушаб Алжанала унхърази хурадиес дигираяв?», асхІябти диги я Аллагъла Расул или биклар. Илхели Идбаг ﷺ виклар: «Зикрула мажлис лебси мераначи дашенная, марлира илди Алжанала унхърази кабиили ахенти хебирар». Гурра бурули саб зикрула мажлисличи адамти цалабикибхели, илдала ита аркъули гъар кацибси къяшла ганзлис бунагъуни умудиру ва гяхІти лукла или, итаб кабиили лебаллира лебил малаикуни Аллагълизиде ﷻ булгар илдала бунагъуни умударахъес. Суал аклес асубирар хиядисуназиб буруси зикрула мажлис сабугу или. Мавлид ибхели, ил дев машгурбиубли саб лерил зикрула мажлисунас. Мавлидичи цалабикибтани дирутира, дучлуги зикрутира сар, Къуръа аятунира сар, Идбагличи ﷺ салаватунира сар, Идбагла ﷺ жагати сипатунира сар. Илди хедирахъес узусила дин бехъес узусила дурбад гъатли се къас биес бирару гъатли? Къуръан се сабил ва илизив учлусилис се узра лебал нушани балуллира. Идбагличи ﷺ ца салават бушибсилези Аллагъли ﷻ вецІал чардалта, Аллагъли ﷻ ца салават чарбатурсиличи Жагъанабла ца къячхебилкан ибси хиядис леб. Къуръайзив Аллагъ ﷻ виклули сай: (мягІна) «БегІлара гяхІси зикру Аллагъ ﷻ гъануршни саб». Идбаг ﷺ вебкибхели Гяишат ﷺ Идбагла ﷺ дурхъаси хябла мякъла гашризури риклулири: «Ва, кІантити палтар чехегурси. Ва, кІантиси ухъала кахейхъунси. Ва, сунела кани кІантиси къацли хебелкъидунъялизиваддуррахъунси. Ва, кІантиси ухъаличиб къаркъала ухъа чебакибси. Ва, цализивад урухклули лебил дуги гъанкІ ахехъибси».

Сунечибад жаваб бедес хейрусини нушачибад бедлугара?

Нушани гьаман бикъехе Алжунтазирги деклар-декларти даражуначила, ва дахъал деклар-декларти нигматуначила. Марлира илди лерти сари, дунъяла къакъличиб лебси лебил нигмат, вецдал бутлала ца бутла саби, гурти урчелалра Аллагъли ﷻ ахиратлизис, Сай марварибти, Сунес мутнигбакибти лугърас пешкеш дарес датурти сари. Гьанна пикридухъахелли, лебил адамтасра цадехI нигматунира цадехI даражунира дедлугутира, ахи илди деклар-деклартив?

Алжунтала 8 даража лерти сари, гяхIси гьямал барес вирути биркантицад, гьарил даражаличирти нигматуни итил даражаличир лерти ахIен. Гьариллис цадехI даражунира, цадехI нигматунира дедлугни гьядлула дазурбазиб кавлуси секIал ахIен, сенахIенну дунъяличибти гьарил адамтани деклар-декларти гьямалти дирути сари, цабехIтани дахъал диру, гуртани камти диру ва илкъяйда, илдас лебтас ца даража бедлугни бархъси ахIен. Илбагъандан Алжунтала даражуначибра чула гьямал хIясибли халкъ бирар. Бурули саби, удибси даражаличибти халкъ чедибси даражала халкъла хьулрачи нуша зубрачи хIердикIуливан хIербикIар или.

Хебиалли бегIлара ахъси даражаличибти чихъали сабу, чис биркули бегIлара ахъси даража? Алжунтала бегIлара ахъси даража «Фирдавс» - саби, ил даражаличиб Идбагуни бирути саби, илдачил бархра гилмула гьилимти бирар ибси леб. Хебиалли идбагунас гIергъи бегIлара ахъси даража гьилимтазиб бирули саби. Гьилимтира бахъал лебти саби, халкъла урgab гьядатли бетаурливан гьарил гьараб мезли учули, итала мягIна баянбарес балалли ит гьилимлизис халвиру, жагаси вягIза-насихIят бирусира гьилимлизис халвиру. Лебил илди гьилимти илцад ахъти даражуначиб бирутира? Масала, кайсехIе милица, адамтала ряхIятдешлис, адамтала гьямрулис, арадешлис, маслис урехи лебхIелли илди кумекчиби саби, къиййзи бикибтас кумекчиби саби, их сипат милицунас лайкъбарибси сипат саби, амма ишбархIилизиб илди лебил лайкъбирулив ил сипатлис? Илдазиб байхъалара агар илди сипатуначи лайкъбирути, имцIалинтани, къиййзи, хатIализи бикибти бируцад гьатIира язихъбирули бирар. Хебиалли, милица ибси гьайли гьяхIси адамла мягIна иргъахъу, амма илди ил мягIналис лайкъбирули хIебиалли илди гьяхIтив? АхIен. Илкъяйдали гьилимтира, Алжанала ахъти даражуну гьарли-марти, чула гьилимличибти гьямал би-



рути гьилимтас сари, гьилимти сарра бикIули чула гилму чула гьавалис, чула хьуланас пайдалабирути адамти гьилимти ахIен. Илдачилара Идбагла ﷻ хIядислизис бурули саби.

Гилмуни учуси адам виаб, гилму белчIунси виаб, ит гилмуличибси къас сунела дунъяла шали къулайбарес, мас-давла бучес, халкъла ургав къиматла виэс биалли ит вайти гьилимтазивадли сай, сунела гилмура сунес пайдали хIебирар, сунечи къаршили бирар. Идбагра ﷻ викIули сай: «Марлира Къиямала бархIи бегIлара халаси гьязаблизиб бирути халкъ – гьилимти саби, чула гилмуличибти Аллагъли ﷻ чус пайда хIебедибти».

Гурра Идбаг ﷻ викIули сай: «Адам гьилимти хIейрар сунела гилмуличибти гьямал бирани виайчи».

Вайти гьилимтала хIекълизир, чула гилмулизибад Ахиратлис пайда кахIесибти гьилимтачила гурра хIядисуни лер. Илдазиради: - «Гилму кIел лерти сари: ца гилму лезмиличиб бирар, кIиэси гилму урклиаб бирар, итра саби пайда чебси гилму».

- «Ахир заманализиб багъуди агарти адамтира бирар, бунагъкарти гьилимтира бирар».

- «Гилму мабуцадая гьилимтала ургар багъала диэс, гилму агартачир бекIдеш

дучес, халкъла урклиби хIушачи шурдарес. Чили ил бараллира ит цIализив вирар».

- «Аллагъли ﷻ сунес бедибси гилму чили дигIанбараллира, Аллагъли ﷻ итала хъябличи цIала хъябдурц биршу».

Идбагли ﷻ сунела асхIябтази иб: «Марлира ну хIушаб даджаличивра дебали даджализивад урухIуллира», асхIябтани ихала мягIна се сабил хъарбаиб, Идбагли ﷻ илала мягIна баянбариб: «Халкъ чеббулкахъути къадни саби иди даджалти».

- «Сунезиб гилму имцIабикIули амма вархъагъилизив (гилмулис лайкъси гьямал) имцIахIейкIуси, Аллагъла ﷻ мякъла гьамхIейрар гIеркъавиркалли ахIенси».

Илдигъуна хIядисуни гурра дахъал лер, камти ахIен Идбагла асхIябтани дурибтира. Пумар асхIяб ﷻ викIули сай: «Иш умматлис ну вегIлара дебали урухIуси, гьилим-мунафикIизивад сайра». Пумар асхIяблизис ﷻ хъарбаиб гьилим мунафикIили виэс секъяйда вирусив или, Пумар асхIябли ﷻ илдази буриб: «Лезмиличив гьилим сайси, урклиавра, гьямайзивра джагъилли (гилму, багъуди агарси) виубси».

Абу Гуррайрази ﷻ хъарбаиб вегIлара дебали пашманвируси че саю или, ил викIар: «Заманалис лерти дунъяла гьямрулизив биалли, вегIлара дебали пашманвируси сай сунези баркаллагъ

хIейрусилис гьяхIдеш бируси. Амма убкIухIели биалли, гилмуличибти гьямал хIебируси сай».

Ибн мубараклира буриб: «Адам гьилимти вирар гилмуни учули левалли, сунесра гьанбикалли сунени секIал багъурра или, ит джагъил ветарар (гилму, багъуди агарси)».

Марлира бахъал адамтас гьанбиркур гьарил жагати гьайли гьайвикIуси гьилим сай или, гьарил гьараб мезли гьайвикIес балуси, гьараб мезли учIес, лукIес балуси гьилим сай или, ил халаси хатIа саби. Гьилим вирар Аллагъли ﷻ сунес бедибси гилмуличибти гьямал бирусид адам, ит гилму камси биаллира. Ца секIал багъули, итичиб гьямал барибси гьилим вирар, амма азирти жузи дяркъурли идачибти гьямал хIебирули гIергъи итала гьилим ахIен, ит масала, сунечи жузала мах чебихъибси гIемхIелагъуна саби, иди жузи цаларад цала дихнила дурабад сунезибад пайда лебси ахIен.

Илбагъанданра, нушаб – гилму агарти адамтас гьилимтас геларад дашес хIяжатси саб, нуша дашуси гьилимра вархъси уцес, сунела гилмуличис лайкъси гьямал-гIабигIятла вегI варгес хIяжатбиркур. Гьариллис гIелавад вашес асухIебирар, илини нуша ахирра цIала гьала кили дархъдалтутира, нушаб гьанбиркуливан нушачибад жавабра бедес хIейрар, нушала гьямалти чесес хIейрар, сунечибад жаваб бедес хIейрусид адамли.

Нушани хIу чехIеваири, амма хIу нушаб дигахъури

4 « Мавлидличир ихти лерил сари дучути, хIебиалли мавлидличис къаршидеш дируси бегIлара гьалаб Къуръайчи къаршидеш дирули сар, гур хIядисличис дирули сар, гур Идбагла ﷻ хьунул, бусурмантала неш Гьияшатличис къаршидеш дирули сар. Дин бехъес ахIенси се къас биэс бирулив ил адамла? Аллагъли ﷻ нуша илдигъуна пикрумазирадлира дерцахъаба. Динла узби цалабикили ца хъулиб, Алжанала анхълизиб, барх бучули, зикрурта биркъули, балгна биркъули чула ургала къаркъаван чIумабируси

саби. Бусурмантала ургалаличилара, узидешличилара дахъал хIядисуни лер. Дагъистайзибра ишцад къиянси замана сабхIели нушаб илди узидеш чичиралра дебали хIяжатли сар.

Ишаб цагъатIи суал алкIули саб. Мавлидла дурхъадешра, хIяжатдешра аргъира, амма ил барес гьарилла имкан лебу? ИшбархIилизиб мавлидла мягIна бетаурли саб азир журала деркестира, держестира. Хьунул адамтас мавлидличис бузрадли хIядурбикIес гьягIнили саб. ГьанкI агарли бузес чеббиркули саб. Мавлидтаманбиубли гIергъи илди лерил

дучесра, умударесра цагъатIи бархIи аркъули саб. Бузути адамти сен мавлид таманбиубара или разили кабирули саб. Илала дурабад сецад халаси харж гьягIнилил. Садакъа дебали гьяхIси секIал саб, вегIла хъули адам вакIили, секIал берки арякъни дебали дурхъаси саб, амма чебси ахIен. Гьарилла ахърира лебси ахIен. Мавлидра ишбархIилизиб садакъаличил бархбаси саб. Садакъа барес ахъри агарсини мавлидра бирули ахIен. Илди лерил секIал ляркъули сар ца хIядисличис, «ну дила умматлис даджаличив дебали аблизивад урухIуси»

бикIуси. Цали мавлидра барилли, халаси устулра белшалли кIиэсини гьатIира халаси белшес узули сай. Илди дарес ахъри агарсини секъяйдалра мавлид хIебарилли кавлули сай. Илбагъандан динла узбира – рузбира, иш мавлид базлизиб нушани гьяхIти жагати чяйра дарили, муридешра кадихъили мавлидуни дарахIелли гьарил адамли мавлид барес вири. Гьарил адамли Идбагла ﷻ барактлизис кумхавиэс вири. Аллагъли ﷻ нушаб кумекбараб бархъси динличис дакIили, абзанира, гьядатунира датахъес! Амин.

Къуръа кери дигусини адаб хлебалта!

Ахъбиубтазивадли чирла ахъхейгуб адаб бирниличивли ахленси, убяхлибиубтазивадли чилра увяхлихейгуб адаб батниличивли ахленси. Ихти гъайла мурхъси мягна лебси саби, суненира нушази иргъахъу адаб бихли чебла сабнира, адаб батни асухлебириси сабнира. Гъарил бириси секлайзиб адаб бирни чебла саб диклахелли, Къуръай учинилизиб, Къуръайзиб адаб бихлес секъайда чеббидулира пикридулхъехле, сенахенну ил беглара дурхъаси гйбадатлизи халбириси саби. Марлира Къуръай учусилис илала хлекълизиб адаб бихли чарагарси чебла саби, адаб батнира бунагъла анцбуку саби. Къуръай учухелли дахъал адабти лер, илди нушани гъаларра гъандуршули калунра, ишарра илди баяндарили кадирахъехле.

1. Къуръай учуси дазайчив виъни суннатси саби, Къуръа адабтазивадли саби. Идбагли сегъуналра зикру дазала агарли бирахъес къадагъабирусиси, Къуръан биалли лерил зикруртазибад беглара дурхъаси саби, илавра дазала чевли виъни чарагарси адаб саби. Нушала гъайра, Къуръан гъамхейки, хлерикули бучули яра уркиличиб бучули виалли сари, амма ил Къуръайчи гъамвилкалли дазала чевли виъни суннат ахленну, чебла саби. Дазала агарлира Къуръан касес хйрамси саб.
2. Къуръан умуси мерлаб бучла, беглара гъахсира мижитла бухнаб. Адамти башуши гъуйчив, базарличив, къаркъала ищуйхлив ва илдигъуна мераначив Къуръай учес къадагъабирусиси саби.
3. Къуръай учухелли къиблаличи шурухъи, къаркъала паргъатбарили, бекл гъашбуцули, Аллагъла гъалабси урехи даклубарили учни суннатси саб.
4. Къуръай учес гъалаб сивак барни

дурхъали бирар, иличибли къакра умубиру, суннатра барили вирар. Идбаг викули сай: «Хлушала мухлиби Къуръан дурабулхъути гундури сари, илдира сивакли умудиренная».

5. Къуръай учусини гъаланачи Аллагъла уличибли шайтлайзибад берцуди тиладибиру. Аллагъ Къуръайзиви викули сай (мягна): «Къуръай учухелли, Аллагъла уличибли шайтлайзибад берцуди тиладибара». Шайтлайзибад берцуди деклар-декларси тяхярли тиладибарес вирар, амма беглара гъахси, сабира Имам Нававини чеббакибси саби: «Агъузу биллаги мин шайтани раджим» ибси жура.

6. Къуръай учес вехлирхъухелли мурталра бисмиллагъличив вехлирхъли дурхъаси саби. Амма «Бараат» - сура бучухелли бисмиллагъи ... хлебуца, сенахенну ил имцалинти гъалимтани бурни хйасибли Къуръа аят саби, «Бараатла» сурализив иличивли вехлихъалли, сурализиб баклибси ахирла мяхна бегхъули саби.

7. Къуръайзиб тартил бузахъни суннатси саби. Тартил – саби, гъарил хйарп сунела мерлаб, сунела махраджлабад бучни, хйарака билгъабилгъни, гъагъниси мерлаб тлама ахъбурцни, гъагъниси мерлаб гъашбурцни. Аятлизиб вягда лебси мер вягдала макъамличил бучни, рахму чебиахъуси мер клангъили бучни ва илкъайдали.

8. Къуръан бучуси виснира суннатси саби, висес биса хйакъусини висусилалра диру. Сенахенну Къуръан марайдешличил хъурабарисси саби, илизивад учухеллира марайли виъни хйажатбиркур. Идбагра сунела асхйабтази викули сай: «Нуни хлушаб Къуръа сура бучасра, хлушазивадли че висаллира ил Алжунтазив вирар, дис-

ес биса хледакълли, дисутала диренная». Ибну Масгудли Идбаглиц Къуръан белчун, Идбаг чеваес бекл ахъбуцибхели ил висули чеваиб. Къуръай учухелли висес багъандан илала мягнуртачила п и к р и в е к I е с хйажатбиркур, илар лерти вягдурти, илар баяндирути нигматунира, гъазабтира, калунти умматунала, идбагунала хабурти пикридирес, ва вегли гъамрулизир гъадада дерклибти замунтачила пашманвиубли ляркъахъути сари биса, биса хледакъллира разидеш къалли хлебирар.

9. Къуръай учуси жагаси тламали учес хйажатбиркур. Идбаг викули сай: «Къуръан жагабиренная хлушала жагаси тламали». Пурра хйадис леб: «Жагаси тлама Къуръа жагадеш саби».

10. Къуръан цархил адамлизи бучахъаллира, ит жагаси тламала веглизи бучахъни адабли бирар.

11. Къуръан хъунул адамлаван чйартбарили тламара бучни асубириси ахен. Къуръан мурул адамла, чумаси тламаличил хъурабарисси саб, илкъайдали бучесра хйажатси саб.

12. Къуръан ахъли бучни дурхъали бирар, сенахенну, ахъли учухелли, бучусиличила пикривиклес гъамадли

вирар. Ахъли учули вамсурхели, бамсри ахъайчи гъахли учлар, гур чариубли ахъли учлар. Ишаб багъес хйажатси ца секлал леб, мякълав дехлбала дирусси виалли, яра усуси виалли, ахъли учули илис диргалаухъес асухлебирар, илхели гъахли учлар. Идбагра викла: «Къуръай дучланти хлуша Аллагъличил гъайдикланти саррая, хлушара хлушала тламаличирли цалис-ца диргаламадулхъадая».

13. Ца сурализив учули виалли, ит таманбарайчи цахиличи тяхлулхъни гъахси ахен. Учес вехлихъибси сура биаб, аят биаб ит таманбарили, гур цархилизив вехлирхъни дурхъали бирар.



Усуси адам вебклибсигъуна вирар


Усуси адам вебклибсигъуна вирар – ибси гъай гъаман бурули бирар. Марлира ил гъай гъаваначибад касибси ахен, цацабехлти бусути чула гъанклизидебали мурхъбикили селира абизахъес хейрули бирар, цабехлти биалли кабихъунихибад секъайдаллира вяшхлебулхъули бирар. Ил анцбуку гъахси ахен, адам вахъхила заманализив ца тяхярличивад варсхевхъи калалли илала къаркъайс зарал саби. Къаркъайзирти хила тумазирад, хиличил дарх адамла къаркъайс хйажатти минералти дашуги сари. Адам вахъхила замана ца тяхярличивад варсхевхъи калалли, къаркъа декдешли илди туми къакадирути сари, ва къаркъайс хйажатти минералти архйакъан ва

хли камли дашар, ил мерларра тумала, хъанца дяхъурби детарули дирар, гъарус мезлира илдас «пролежни» биклар. Илди заманаличир арадарес къайгъилизи викес хйажатбиркур, сенахенну илди дахъли датали вай изайчи шурдухъес асубирар, ахирра беклаличи льякъан. Сунела биркланти парализоватъ диубли хледузан диубси, изуси адамлис къулукъла декларси жура лебси саби. Илди гъар кел сйгъатличи ласбирути саби, илдас декларти, тукличир, механализмичир дузути караватунира дирули сари.

Ил секлал делчунтани 19-эси даршдусла ахирличиб кабизахъур, сабира халал замана дикили ахли саби бузахъес бехлихъибти. Тамашала анцбуку ахленну гъатли, 14 даршдус гъалаб хъу-

рабарисси Къуръайзиб ил гъанбуршули саби?

Нушанира балуливан, Гиса идбагла заманилс гъергъеси заманализиб «Асхйабул кагъфи», гиникъла асхйабти - биклуги калунтири. Илди, чула иманличивад архйабякъни багъандан язихъбарибти асхйабти сабри. Илди гиникъла цалабикибхели, душмантани илди беклахъес гиникъла ухнаулхъуйхли халаси шури кланбарибтири. Илди бухнаб биалли бускаунтири, 300 дус дикили гъергъи илди гъанклизивад чебаргъибтири Аллагъла къудратличибли. Аллагъли лерил фитнесбазибад илди берцахъибтири. Аллагъра Къуръайзиви викули сай (мягна): «Хлед гъанбиркулив ихти чебаргъибти саб или. Марлира ихти



мурхъси гъанклизидебусули саби. Нушанира илди балуй шайчира, алгъай шайчира шурбирулира...». Аллагъли илди бахъли ца тяхярличиб кахелахъес ца шайчибад итил шайчи шурбирули калири. Их ахли се биес бирару тамашала анцбуку?!

Гъарил адамла тлулбала сурат декларси саби

Ца тамашала анцбуку саби, дунъя аклублара, Къиямала бархли баклайчи дунъяла къахъличиб сецад адамти лебал. Чула дяхл-сипат хйасибли цаличица мешутира бахъал леб. Бурулира бирар гъарил адамла двойник вирар или, нушабра ашкарливан машгурти адамтанира чус двойникуни бургували бирар. Кел цаличица дебали мешути адам лебни тамашала анцбуку саби амма ил силра ахен иш анцбукула мякълаб, ишцад халаси гъяламлизид, сабира аклубси заманаличивад, кел адам агара

чула тлулбала цагъуна суратла бегли. Марлира кел биштлати ца яйцо-клеткализивад (клизилунт) аклубли биаллира илдала тлулбала сурат цагъуна ахен. Илди тлулбала суратуни, гъарил адамлис сай че саял балахъуси документгъуна секлал бетарули саби.

Гъарил адамла тлулбала суратла декларси жура леб, илра, виштласи нешла канилав левалил таманли бетарули саби, лерил гъамрула бухнабра ил барсхлебиубли кавлули саби.

Делчунти профессоранира ил секлал 19-эси даршдусла ахирличиб кабизахъур.

Аллагъли * 14 даршдус гъалаб хъурабарисси Къуръайзиб иличила бурни леб, ит заманализиб халкълис ихгъуна секлал гъякълулизира баклес хлебири.

Аллагъ * викули сай (мягна): «Марлира адам пикривиклулира сай вебклили гъергъи нушани илала лигуби дучес хледирехле или. Нушазиб ахъри леб ил сагали цалавахъес, илала тлулбала хъаранира (сари лерси суратличил) цаладяхъес».

Лукъман аль-Хияким — пагъму чевси лагъ

Лукъман аль-Хияким, халаси пагъму чевси адам сайри. Илала уличибли Аллагъли ﷻ Къуръайзиб цехІнаб суралис у бедиб. Ил цудара къаркъа камла рангра сайра, Нубия бикІуси мерличивадси лагъ вири. Лукъман аль-Хиякимли сунела дурхІялис белкІунси кагъарлизиб леб: «Марлира духудешли, пагъмула мурхъдшли вецІал секІал дирути сари: бекІибси уркі мицІир бируси саби, мискинтачил варх калтуси сай, пачнала даражаличи бикайчи ахъурцуси сай, машгъурхІейубси къиматлавиру, лугъри азатбирути саби, гІярхІялибтас хъурабиэс мер бургу, мискинти давлачебвиру, гъубзнала гъабзадеш имцІадиру, пачнала мулк имІабиру».

«Аль азкия» бикІуси жузлизив Ибн Джавзини хабар бурули сай, Лукъман аль Хияким лагъдешлизибад верцибсири сунела мурхъси пагъмула гІяхІдеш сабабли. Ца бану Израилла адамли Лукъман багъа бедили асибсири, илбагъанданра илис ит адамла гъалар лагъдеш дарес хІяжатбикиб.

Лукъманла халавегІ дебали хІязтавиркъес дигуси адам вири, хІязтара декІар-декІарти масличи хІязтавиркъи. Ца заманализивра илини хІяз бариб, удивикибсилесра лебил хІеркІла шин держес яра чедивикибсини се хъарбаралира ит бареслин ибси вягІдаличил. Лукъманла халавегІ удивикиб,



чедивикибсинира илизи лебил хІеркІла шин держехъес яра ца хІули абитІахъес яра лебил лебси мас бедахъес хъарбариб. Удивикибсини се бирусил хІебалули, вягІда хІебаресра хІейрули, дебали къакъаухъун. Суненира чедивикибсилебад гІергъила бархІиличи бикайчи замана тиладибариб. Илди пикрумачивли ил хъули чарухъун.

Лукъман аль Хияким биалли, ил

заманализив урцул дучес арякъи, урца къапра гІелахъили хъули чарулхъули леври. Халаси децІизивси халавегІ чеваибхІели илини се бетаурсил хъарбаиб, амма илини жаваб чархІебатурли шурухъун. Лукъманли илизи сунела суал чуйнара хъарбаиб, бегІла гІергъира халавегІли Лукъманлизи сунела децІла сабаб баянбариб.

Лукъман илизи викІар:

- Дебали пикримаикІуд, хІела анцІбукълизивад дураухъеси гъуни нуни балуллира.

Лукъманли ибсилевич децІлизивси халавегІ тамашавиубли, се гъуни сабил баянбарахъес тиладибариб.

- ЖагІял хІуша къаршидикибхІели хІуни итиси бура хІеркІла шин дужасра или, сунезира хъарбаа кІелра шурила ургарти держишав, духъяндиличи кадухъунти держишав или, илини хІези хъарбиру духъяндиличи кадухъунти держехъес, хІунира бура, кадухъунти хІеркІала шин держес вирхІейрар, илди держехъес багъандан хІуни удирад тІашаа или. Итини хІеркІла шин тІашаэс хІейрар, хІура хІела жаллизив чедивиркуд.

ГІергъила бархІи У д и в и к и б с и р а , ч е д и в и к и б с и р а

къаршибикиб, ва удивикибсини сунези Лукъманли хъардарибти лерил дариб. Чедивикибсира илди шин тІашаэс хІейрусрагу или сунела жал удибикниличи мукІурвакІиб.

Разивиубли чина виркусил хІебалули халавегІли Лукъман вагІаиб.

Лукъманлира сунела пагъмула, гІякълула мурхъдешличибли азатдеш сархур.

Аллагъла ﷻ гъалав тІашизес урухІусилис

Алжунти вягІадирули сари

Мадиализив ца жагъил дурхІя леври, суненира Аллагъ ﷻ багъандан, Аллагъличи ﷻ диги, Аллагъла ﷻ гъалав урехи багъандан лерил дунъяла лазатунни, тІягІямти датурсири. Ил мурталра мижитла ваши, асхІябтани дурути Идбагла ﷻ дурхъати хІядисунни дакъес багъандан. Пумар асхІяб ﷻ илала имайчив, тІабигІятличив гІяшикъсири. Ца бархІира гІядатли бетаурливан, мижитлар хъагІила дехІбалара дарили хъули чарулхъули леври. Хъули чарулхъуси гъуни ца хъунул адамла хъулрала мякълабад аркъусири, илра жагъил дурхІяла жагадешличир гІяшикъриубсири.

Гъачамра, ил мижитлавад хъули чарулхъухІели, ит хъунул адам итичи къаршили дураухъи, малхІямти гъаили гъайрикІули ит сунечил варх хъули арукиб. Илис гІелавад хъули аркъули левалли дурхІялис Къуръа аят гъанбикиб: «Марлира Аллагълизибад урехи чебти адамтачиб шайтІа макру цІакъдирухІелли илдас Аллагъла гІязабра, дазу агарси керира гъанбиркур, чулира тавбу диру, сабира Аллагъличи чарбулхъан (мягІна)».

Ит мерлав жагъил дурхІя къагъвиубли кайкиб, илра цалабикибти халкъли сунела ухъна дудешла хъули арукиб. Илра байдугис сайри чеваргъибси, чеваргъибхІеллира илизи дудешли хъарбаиб:

- Я дила дурхъа, сегъуна аят сабри хІед гъанбикибси?

ДурхІяни гІурра ит аят белчІи ва гъатІира къагъвиуб. Цалабикибти гъамтани ил чеваргъахъес бузули лебри амма ил дурхІя гъатІи чевхІергъеслин



къагъвиублири, ил вебкІилири. Гъамтани ил вирцили, кафайзи уциб, джаназала дехІбала дарили ит дугилизивал хІяривичъиб.

Бетаурсиличила багъурхІели Пумар асхІяб къалабали дурхІяла ухъна дудешличи вакІиб, гІур дурхІяла хІябличи гъамвиубли, ахъси тІамали тІамадариб:

- Я дила юлдаш! Къиямала бархІи Аллагъла ﷻ гъалав тІашизесурухІусилис Алжанала кІел анхъ вягІадирули сари. Пумар асхІяблира хІярбазибад жаваб чарбалтуси тІамала бакъиб:

- Я Пумар! Дила Аллагъли ﷻ наб Алжанализир кІел анхъ гили сари.

Иш хабар бурули сай Ибн ГІясакирли, ва гъанала заманала гІялим МухІяммад Садикъ аль-Миншавини сунела «Пумар асхІябла ﷻ гІямрулизирад 101 хабар» бикІуси жузлизив. Ихтигъуна бири дурхъати салафунни ва табигІинти. Аллагъли ﷻ нушабра тавфикъ бараб илдала суннатличир даимдахъес! Амин.

Аллагъли ﷻ бедибси, дазу агарси къиматла вегІ

Идбагличи ﷻ ца авлахъла адамли тІутІи хиб. Идбгра ﷻ сунела асхІябгачил мижитла кайгІили леври. Илини къамла духІна кайхъили тІутІира сайра, Идбагла ﷻ мякъла вякъун. Идбагли ﷻ сунела секІал букнилис илала дяхІларти разидешлис дазурби аги. Идбаглира ﷻ тІутІила къякъ беркун ва вакІибси авлахъла адамладяхІлахІеризурли гъ и н ч І в и р хъ у л р и , ит адамра Идбагла ﷻ гъинчІ чебиули,

разидешлизибад чина виркусил балули ахІенри. Илкъяйдали Идбагли ﷻ гъар къякъ беркунхІелли илала дяхІла хІеризурли гъинчІвирхъуллири. Илдачи хІербикІули тамашабиубли асхІябтира лебри. Идбагли ﷻ лерил тІутІи дерки бацІси къям итис бедиб. Ит адамла разидешлис дазурби аги, сайра гъаваначивван арякъун.

Тамашабиубти асхІябтани Идбаглизи ﷻ хъарбаиб: «Я Аллагъла Расул, гъаналаб се халра хІуни нушачил буртІули вирадигу, гъаннахІелли сен илгъуна секІал бариврив?». Идбаг ﷻ викІар: «Ит адамли хибти тІутІи къутІкъути лерри, нура урухвиубра, рахли хІушани иди къутІкъути тІутІи дерки, хІушала дяхІлаб итала уркі бячеси секІал дакъубухъесгу, или нуни лерил деркунра».

Идбаг ﷻ хІяжлизив леври, КягІбала алав тІаваф барили гІергъи халкъли милиги ахъес шин касес башуллири, шин кайсуси мерра чумиздагунала



галгла удиб сабри. Галгличирад шици чумиздагуни кадиркуллири, ва итарадли адамтани чула някъбачил идира кайсуллири, шинра дужуллири. Идбагли ﷻ иди шин чедаибхІели викІар набра дихая итарадли шин или. Идбагла ﷻ дудешла узи ГІяббас ﷻ викІар: «Я Аллагъла Расу, нушани хІед декІарси мерларад шин лерхехІегу, умуси мерларад, бухІна секІал кахІебикесигъуна кІапси тІялхІяналар». Идбаг ﷻ викІар: «Махидая, наб иш лебил бусурмантани кайснарад дихая, наб дигулла бусурмантала някъбала баракат касес». Идбагла ﷻ гІямрулизир иштигъуна хабурти камти ахІен, дебали дахъал лерти сари, илданира чебиахъули саби нушала Идбаг ﷻ сецад пахру агарли, бусурмантаци царугли, Аллагъла гъалаб сунела нафс убяхІбарили вирил, сайра, лебил биубталара, бируталара пачяхІ сайкъири, сай багъандан лерил лерти акІахъубкъири. ХІебиалли нуша секъяйдали диэс хІяжатбиркура?

«Нуни бицира» – «нуни асира» ибти гъай агарли секлал бицес яра асес асу-бирару?

Ил суалла черкад имам Шафигла маз-гъаблизир деклар-декларти пикруми лерти сари:

1. Иджаб-къабул («нуни бицира» – «нуни асира»).
 2. Иджаб къабул агарлира вачар барес асубируси саби.
 3. Иджаб къабул агарли асубирар барес, амма багъа камти, дург'ети секлумазиб.
- Пурилти мазгъабун-ни к'иэсил пикрили-чи хъарбиркули саби.

Ну шерн рякъун-ра, амма дила мурул набчи гъамрах'ейгубли вебк'иб. Г'идда ах'ехъили ну шерн рукъес ихтияр леб-сив?

Мурул вебк'ибси хъунул адам, 4 базра 10 барх'ира дикайчи шерн рукъес асубиру-си ах'ен, вебк'ибил муруйчил илди гъам-биубли х'ебиалра.

Д у г е л и мижитлаб шала х'ебишахъи батес асубирару?

Г'ябду Ссаламла ва царх'илти г'ялимтала пикри х'ясибли, дуге-ли лампочка ухахъули батес асубирули саби, мижитла х'урматлис багъандан. Ил-дала пикри х'ясибли ил барес асубирар, мижитлав шаладикай-чи чилра х'ейалра. Амма ар-Равза бик'уси жузлизиб бурули саби, мижитлав чил-ра х'ейалли, ил барес (лампочка алкахъес) асух'ебирар (х'ярам) или.

Дагъа лебси хъули шайт'ан бух'нах'ебулхъан бик'уси бархъсив?

Хъайг'иб дагъа бих'ес, хаслира дагъа ц'уба биалли суннат саби. Идбаг ﷺ викули сай: «Дагъа – набра дигуси Жабраг'ил малаиклисра дигуси арцан саби. Дагъани шайт'айзибад юртра ил юртра вег'ра берцахъили бих'у ва 16 унраличирти юртра далтахъу».

Пурра Идбаг ﷺ викули сай: «Аллагълис х'ябал т'ама дигули сари: дагъала т'ама, Къуръай уч'усила т'ама, берх'и бухъес камси замана лебалли тавбу дирусила т'ама». («Фатх'ул Г'яллам»).

Нушала шилизи деклар-декларти шимазибад, чула ц'едеш нусиличи яра картошкаличн дарсдарес адамти башули саби. Нуни бакъира ил риба саб или. Бархъсив ил?

Ц'едешла ца жура царх'ил ц'едешла жураличн барсбирес, масъала, анк'и-анк'иличи дарсдиралли шурт'ри лер чедаахъ-ибти:

- Ц'азсил шарт' – цалра шайчибтас чула барсбируси секлал г'елайзи арбухес асух'ебирар, илисра (х'улул) или бик'ар.
- К'иэсил шарт' – чули дарсдирути секлал, саби лебси мер-личнбад декларбикайчи, дарсдарили някъла дучес, яра вег'ла шайчи даклахъесли бек'дарес х'яжатбиркур, илисра (такъабуз) или бик'ар.

Х'ябъэсил шарт' – сунес (мумасалат) бик'ар, к'елра дарсдиру-ти секлал ца бит'ак'ла диэс х'яжатси саб.

Илди шурт'разибад ца биалра бархъбаталли, риба бетарар. Ца жура берк'луми царх'ил жура сек'айчи дарсдиралли, масала, нуси – хъярбачи барсбиралли, к'елра ц'азсти (х'улул, такъабуз) шарт' дих'ес х'яжатси саби, амма х'ябъэси (мумасалат) чебси ах'ен. Масала, 10 кг. нусила – 30 кг. хъярбалайс дарсда-рес асубирар, амма илгъуна вачар лебси мерличнб, г'елайзи арх'ебухили хъараахъес х'яжатбиркур. Амма илди шурт'ри дих'ес гъамадди ах'ен, сенах'енну гъарахълабад бак'ибти адам-тани нуси бархъбалтули, илис лугути хъярби г'ур ардухес далтурли дирар. Илгъуна тях'ярлизивра рибализивад верцес гъуни леб. Масала, адамлис ц'едеш датурли, г'ур ца х'ябал баз дикибх'ели нуси арбухес дигули виалли, илини сунела ц'едеш чеблалис дедлуга, г'ур сай вак'ибх'ели, илди ц'едеш чеблалис сасибсини, сунела чебла ахъес нуси бедлуга. Анк'и-анк'илис дарсдирутанира, рибализибад берцес багъандан, чула анк'и палис ца чеблалис дедлуга, г'ур ил чебла чебберхули умубиру. («Канзу ар-рагъибин»).

Наб дигх'ейгули, амма балу-балули бег'ла халаси бунагъ барира, наб илис се бирару?

Х'урматла рузи, бег'ла халаси бунагълис, х'ушани лук'усиван, бег'ла халаси г'язабра лебси саби. Амма х'ушаб имкан леб, ил бунагъ умубарес, урк'и-урк'иларад тавбура дарили, пашманрадиубли ил барниличн, гъат'и ил бунагъличн чарх'евхъес къасра барили. Идбаг ﷺ викули сай: «Бунагъуна-зирад тавбу дируси, сегъуналра бунагъуни агарсилнчи цугвир-куси сай».

Къуръайзир чум аят лертив?

Къуръайзир 6660 аят лерти сари. Илдазирадли 1000 аят, чузи-бра се-биалра амубируси (барахъес), 1000 аят, чузибра се-биалра къадагъабируси, 1000 аят жазъаличила (танбих'л) мах'бирути, 1000 аят деклар-декларти анц'букълумачила бурути, 1000 аят мисалти леркути, 500 аят х'ялалсилнчила ва х'ярамсилнчила, 100 аят чузирра тасбих'л ва тах'лим лерти, 60 аят урдирхъути ва урдяхъ-ибти.

Беркеси балуй някъли букес х'яжатсив?

Марлира беркала балуй някъли букес х'яжатси саби. Цацах'ели адамти къаршибиркур исламлизир агарти г'ядатунас г'елабад башули, къулса яра улт'енаг алгъай някъли кайсути. Ца заманализив Халиф Пумар бин Хат'абли алгъай някъли беркай ук'уси адам чеваиб ва илизи вик'ар: «Балуи някъли ук'ен». Пурра ил адам алгъай някъ-ли укули чеваиб. Халифли г'ярчамагличил бяхъили илала хъуц'арлизи, балуй някъли ухахъес хъарбариб. Халифли х'яйнайсра ил адам алгъай някъли укули чеваибх'ели деба-ли г'ясивиуб. Амма ил адам вик'ар: «Я халиф! Дила балуй някъ бархили саби». «Селичил бархилив?» – или Пумарли хъарбаиб. Ил адамли иб: «Дила някъ Муътала дергълизиб чъабъахъиб» Халиф пашманвиубли хъарбаиб: «Х'ед чили кумекбирули?» ва ил адамлис къулукъра, кумекра барахъес хъарбариб. Пумар асх'яб х'язлис ах'енри адам чиди някъ-ли укулил дебали х'ерик'уси. Идбаглизи гъачам хъарбаиб алгъай някълизибад шах'лейкили беркала къяраалри се бирил, Идбагли иб: «Нуни ил беркунси чарбарили дура-булхъахъаси» Илцадра халаси анц'букъ саби Исламли чеба-ахъибси тях'ярли къац'ли ук'ни, эгер шайт'айсра биркуси, Аллагъла у гъанх'ебушилира алгъай някъли беркунсира саби.

Нушала шилизиб буркъа мижитла мерлаб сагаси барили саби. Буркъа мижитлизирад дахъал лушутн материалти кали сари. Илди материалтачил се барес вирава?

Эгер нушани якъинни балули диах'елли, сагаси мижит-лис илди материалти г'яг'нидиркни сари заядиайчи, илди мях'камдарес чебиркур ил мижитлис багаладиахъес. Амма илди г'яг'них'едиркни якъинни балули биалли, илди лушутн материалти (секлал) царх'ил мижитлис дедес асу-бирар, илди дицес гъеч асух'ебирар. Сегъуна-дигара масс биаб мижитла, лушутн секлал диаб, къалтинти диаб ва царх'илти секлал мижитлис г'урилс г'яг'нидиркути, бага-ладирути я дицес я царх'ил мижитлис дедес асух'ебирар. Эгер ил маслизибад (хазнализнбад) сегъуналра пайда ага-ра биалли, масала, дуркъдиубти, заядиубти къалтинти ва ц., илди дицес асубирар, ва дикибти арц'лис илдигъунти сагати секлал асес г'яг'нисн саби. Масала, дуркъти къалтин-ти дицалли, сагати къалтинти асес, эскидиубти улкъайти дицалли, сагати ису ва илкъайда царх'илти секлалра. Амма бицибсигъуна секлал асес ц'акъ, имкан х'ебиалли, яра мижитлис илди х'яжатли х'едиалли, арц мижитла царх'илти х'яжатунас харждиру.

Рузнама

Январь

| дни | Утрений Ас-Субх'л | восх. | Обеден. Аз-Зутър | После-обеден. Аль-г'аср | Вечерн. Аль-Магъриб | Ночной Аль-Г'ишаъ |
|-----|----------------------|-------|---------------------|----------------------------|------------------------|----------------------|
| 1 | 05:37 | 07:19 | 11:55 | 14:09 | 16:28 | 17:58 |
| 2 | 05:37 | 07:19 | 11:55 | 14:10 | 16:28 | 17:58 |
| 4 | 05:37 | 07:19 | 11:56 | 14:12 | 16:30 | 18:00 |
| 6 | 05:37 | 07:19 | 11:57 | 14:13 | 16:32 | 18:02 |
| 8 | 05:37 | 07:18 | 11:58 | 14:15 | 16:34 | 18:04 |
| 10 | 05:37 | 07:18 | 11:59 | 14:17 | 16:36 | 18:06 |
| 12 | 05:37 | 07:17 | 12:00 | 14:19 | 16:39 | 18:09 |
| 14 | 05:36 | 07:16 | 12:01 | 14:21 | 16:41 | 18:11 |
| 16 | 05:36 | 07:15 | 12:01 | 14:23 | 16:43 | 18:13 |
| 18 | 05:35 | 07:14 | 12:02 | 14:25 | 16:46 | 18:16 |
| 20 | 05:34 | 07:13 | 12:02 | 14:27 | 16:48 | 18:18 |
| 22 | 05:33 | 07:12 | 12:03 | 14:30 | 16:51 | 18:21 |
| 24 | 05:32 | 07:10 | 12:04 | 14:32 | 16:53 | 18:23 |
| 26 | 05:30 | 07:08 | 12:04 | 14:34 | 16:56 | 18:26 |
| 28 | 05:29 | 07:07 | 12:04 | 14:36 | 16:59 | 18:29 |
| 30 | 05:27 | 07:05 | 12:05 | 14:38 | 17:01 | 18:31 |

Рузнама Мях'ячкъалала шагъарлис саби

Рекомендовано каноническим отделом ДУМД для г. Махачкалы

Х'урматла узби ва рузби!

2015 ибил дуслис «Ас-салам» газеталис къулбасбирес даимбиубли саби.

Газета къулбасбарес вирар чиди-дигара почтала отделе-ниелизиб. Илкъайдали Дагъиста лерилра районтазибти нушала х'янчизартачибад.

«Ас-салам» газета къулбасбирули, Дагъистайзиб Ислам т'инт'бирнилизн х'ушалара пай кабирхъулрая...

Къудратла Вег'л Аллагъли нушала урк'ибазиб иманра, Ис-ламра, динничн дигира имцадараб.

Дусла дух'нар дурадулхъути газетабала багъни бузри х'ясибли дарсдиклар!

Дирхулра, нушала буч'анти газета агарли ках'евлан.

Х'урматла узби ва рузби!

Динничил дархдасунти, «Ас-салам» редакциялизи яра даргала «Ас-салам» газетала редакторличн су-алти лердиалли, х'ушани телефонна иш г'ергъиси номер х'ясибли занкъ-дяхъес дирудая:

+7 (988) 303 00 08 (Ас-хаб).

Диубсигъуна кумекбирех'е, иншаАллагъ !!!